



"Kambek Long Wewak"

Lukim Pes 6,8,9 na 16

DISPELA TAIM NIUSPEPA WANTOK I LAIK GIVIM
ONA NA TENKYU LONG OL 36,000 MAN BILONG NIUGINI I
HATWOK TRU WANTAIM OL ARAPELA SOLDIA LONG TAIM
BILONG PAIT BILONG BRINGIM GUTPELA TAIM I KAM BEK
LONG KANTRI BILONG YUMI

PAS I KAM LONG EDITA

Sapos yu gat tok yu raitim sotpela tasol. Sapos yu raitim longpela bai mipela i sotim. Yu mas raitim nem bilong yu tru long olgeta pas i kam long mipela. Sapos yu no laik mipela prininem bilong yu tru orait yu raitim arapela nem bilong yu tu.

WARI BILONG MI

Dia Edita.- Mi wanpela skul tisa long Mt.Hagen, na mi laik autim wari bilong mi na skul na ol pipel bilong mi. Planti man ol i tok ol i laikim selp gavman kwiktam, tasol mi na ol lain skulmanki na ol pipel i ting em i longlong tingting. Bikos yumi hia long maunten yumi no redi yet. Long Wantok mi ritim wanpela man Joe Wio i bin tok selp gavman i kam kamap kwik o nau. Em i longlong. Em i ting se wan wan man ol i gat gutpela save na holim gutpela wok inap long stiam gut kantri bilong yumi. Tasol em i no gat olgeta man i helpim na divelapim kantri bilong yumi. So mi laik yumi ken wet inap long 10 o 15 yia moa. Sapos yumi hariap bai narapela Vietnam i kamap hia.

Melchior Ganam
Mt. Hagen

EM I NO STRET

Dia Edita.- Mi bin harim long Redio Wewak pinis, em kaunsil bilong Wewak i tok ol misinari i mas baim takis. Em tru, tasol mi ting em i no stret. Em ol dispela misinari ol i kam long wok helpim tasol. Ol i no bisnisman, nogat. Ol i no kisim bikpela mani long potnait, nogat. Em ol i kisim liklik mani tasol. Ol i lusim ol bikpela famili bilong ol na ol i kam long helpim yumi olgeta. Ol i no kam

long wok mani bilong ol, nogat. Mi ken tok insait long dispela kantri ol misinari i wok hat tru. Ol i mekim bikpela wok moa yet long helpim yumi. Em sampela mani ol misinari i save kisim i no kam long dispela kantri, nogat. I save kam long papamama na ol yangpela manmeri bilong kantri bilong ol. Mi sori tru long olgeta misinari i baim takis. Ol arapela kantri olsem Australia, Jemani, Englan, na Frans - ol misinari bilong ol i save baim takis tu?

Louis Kerry
Moem Barracks, Wewak

EM I NO TINGTING GUT

Dia Edita.- Mi no bin hepi long tok bilong Mr. Wally Johnson long Wantok bilong Septemba 2, 1970. Mr. Wally Johnson i tok misin i save kisim biknem tasol misin i no strongim kantri bilong yumi. Mi sori long Wally Johnson. Ating em i no tingting gut pastaim long em i mekim kain tok olsem. Ol kristen misin i wok hat long olgeta hap bilong Teritori long skulim ol pipel bai ol yet i save lukautim kantri bilong ol yet, bihain na ol misin i no ken kisim pe olsem prais bilong wok bilong ol i mekim.

Ol man o meri i kam long arapela kantri, na i wok long gavman ol i save kisim pe. Tasol ol misin nogat. Ol i gat biknem long wanem ol i mekim bikpela wok, long kantri bilong yumi. Mani bilong mekim wok bilong ol, ol misin i save trai hat tru long painim; ol i save kisim liklik long ol liklik bisnis ol i gat hia, na arapela ol i save kisim long ol wantok long ples bilong ol o long ol gutpela pipel

bilong arapela kantri.

Arapela hap tok hia: "Samting bilong Sisa em yupela i mas givim long Sisa." I tru, tasol ol misin i no i kam hia long wok long kisim dispela "samting bilong Sisa", na ol i ken givim long en. Olsem, mi ting long wankain lain olsem Raphael Waiep na kuskus long Wewak i ting - em long ol misinari i no mas baim takis.

John H, Knawy
Wewak

OL WAITMAN I STAP

Dia Edita.- Mi no laik selp gavman i kamap nau. Ol waitman i kam long Chimbu 1934. I no longtaim, 36 yia tasol ol man bilong Haus Asembli kirapim dispela tok. Na man bilong Mt. Hagen Joe Wio i tok mi laik kisim nau. Em i sting tru. Em i tok hetman i go long arapela kantri sampela tasol, i no planti. Mi laik ol waitman i stap 20 o 25 yia moa long Niugini long wanem ol i helpim yumi planti tumas Olsem na mi amamas tru. Buk, rula, pensil, ol kain kain samting, ol i givim nating long miplea na planti mani ol i lusim nating long Niugini.

Baua Anton
Koge Chimbu Distrik.

KAUNSI LONGLONG TRU

Dia Edita.- Mi no laik ol Misinari i tromoim takis long Lokal Gavman Kaunsil. Ol Kaunsil bilong Wewak i longlong tru. Sapos ol i laik ol i ken askim ol bisnis masta na bai i orait. Tasol ol Misinari, i nogat. Yupela lukim, ol Misinari i putim mani insait long dispela Kantri.

Ol Misinari i helpim yumi gut tru. Ol i wokim skul, haus sik, haus lotu na olgeta arapela samting hia long Niugini. Watpo ol Kaunsil i laik pulim mani long ol Misinari? Ol i bus kana-ka tingting nambawan tru.

Bihain ol i no ken askim ol Misinari long baim takis moa. Hamas mani ol Misinari i bin putim insait long Niugini? Ol Misinari i no askim yumi long mani em ol i mekim wok hia long Niugini. Ol i mekim bilong givim ona long God. Ol dispela samting ol i no inap kisiim i go bek long ples bilong ol. Nogat tru.

Ol samting i stap long dispela teritori. Em i bilong yumi na yumi bai yusim ol dispela samting.

Yogl Bonifaz,
Goroka.

MI AMAMAS TUMAS

Dia Edita.- Mi wanpela skul kaunsila. Mi amamas tumas long dispela niuspepa Wantok, yupela save raitim yet long Wewak, long wanem planti bilong mipela i go long Yunivesiti, kamap patrol ofisa na planti arapela bikpela wok insait long Teritori bilong yumi, Niugini. Olsem na mi amamas tumas long niua i raun long Teritori.

Nau yumi gat Lokal Gavman Kaunsil. Em i liklik Gavman bilong yumi nau. Olsem na mi amamas tumas bai planti samting i kam insait long yumi long Niugini.

Alexander Yambui,
Aibom.

WANTOK BAI KAMAP
GEN LONG NAMBA
WAN TRINDE BI-
LONG OKTOBA, DE
NAMBA 7

Wantok Publications,
P.O. Box 298, Wewak, i
wokim, na Wirui Pres
long Wewak i prininem.

MANI I KAM WE ? MANI I GO WE ?

Namba wan bikpela toktok tru long Australia na long Niugini long dispela taim, em i bilong mani, bilong wanpela samting ol i kolim baset. Baset em i olsem hamas mani gavman i mas gat bilong ranim kantri na kirapim ol wok em i laik mekim. I gutpela yumi lukim gut dispela ol bikpela namba bai yumi ken lainim liklik, hamas save i mas stap long het bilong ol man i laik bosim kantri.

Bilong ranim dispela kantri Niugini long yia 1970 gavman i mas bungim \$241,830,000 (tu handet foti wan milion, et handet teti tausen dola). Em i olsem sapos yu givim wan handet dola (\$100) long olgeta man meri pikinini bilong Niugini.

Orait, na olsem wanem Niugini yet i ken painim inap mani bilong ranim kantri? Long dispela yia 1970 bai gavman i painim mani olsem:

- 1.) Ol man i kisim gutpela pe (tisa, mekanik) ol i mas tromoim takis. Em bai i go inap long \$16,900,000.
- 2.) Ol 146 Lokal Gavman Kaunsil long takis bilong ol bai i kam inap long \$2,500,000.
- 3.) Ol kampani na bisnis i gat takis bilong ol stret. Em i save bringim \$9,900,000 moa.
- 4.) Ol kastam i save winim \$20,800,000 olsem takis ol i putim long ol kaikai samting i kamap long ol arapela kantri.
- 5.) Gavman i kisim narapela \$49,900,000 samting olsem takis bilong ol laisens na graun na kain samting olsem.

Orait, nau sapos yu bungim ol dispela namba, bai yu kam inap long \$100,000,000 stret. Em i sot long \$141,830,000. Em i hapim tasol ol mani yumi mas gat bilong ranim kantri. Bai yumi painim we? I no ken; yumi no inap. Olsem ol Australia yet i sori long yumi na ol i putim takis long ol yet bilong painim dispela \$141,830,000. Na ol i salim i kam long Niugini.

Nating, sampela man i laik save olsem wanem bai distrik o hap bilong ol bai i kisim sampela dispela mani. Orait, nau mipela i givim wanpela liklik eksampel. Mipela i tok tasol long dispela wanpela samting: hamas mani gavman bai i lusim long hap bilong mipela dispela yia bilong wokim ol rot na bris samting.

Em hia ol Distrik:

Westen	\$263,576	Wes Sepik	\$500,256
Galf	333,485	Isten Hailans.1,	591,119
Sentral	4,545,446.	Chimbu	374,307
Milne Be	356,461	Westen Hailans2,	840,755
Noten	582,661	Manus	219,998
Saten Hailans.1,	748,638	Nu Ailan	295,425
Morobe	1,956,684	Is NuBritten..	1,299,037
Madang	1,047,223	Wes Nu Briten	1,417,309
Is Sepik.....	1,299,654	Bougainville..	5,140,808

Planti Kopratif / Bagarap

(New Guinea News Service)

Wanpela memba bilong Haus Asembli i hat tru long painimaut wanem samting i wok long bagarapim planti moa kopratif sosaiti long Niugini. Dispela man em i Mista Peter Johnson, memba bilong Angoram (Sepik).

Em i tok, planti samting i no stret. I gat samting olsem 380 kopratif sosaiti long Niugini na ol i wok wantaim \$7,000,000 (seven milion dola) long wanpela yia. Tasol ol memba bilong dispela ol sosaiti long planti planti hap bilong Niugini ol i lusim olgeta mani bilong ol pinis.

Long wanpela ples ol man i bin hatwok tru long bungim ten dola ten dola long kirapim kopratif bilong ol. Nau bihain long sampela yia dispela sosaiti i laik bagarap olgeta. Na ol man hia ol i no ken kisim bek ten dola bilong ol; ol bai i

kisim 20 sen tasol.

Na dispela kain kranki samting i ken bikpela moa. Bikos planti liklik sosaiti i lusim mani bilong ol pinis, het sosaiti bilong ol tru long lae, nem bilong em Kopratif Holsel Sosaiti (Co-operative Wholesale Society), nau i gat dinau inap long \$180,000. Em tu inap long bagarap nau.

Mista Johnson bilong Angoram i tok, gavman i mas stretim dispela ol trabel, long wanem em i asua bilong em. Planti kopratif ofisa i no save gut long wok bilong ol, ol tu i no lukaut gut long bisnis bilong kopratif. Tasol planti taim tu ol hetman bilong ol kopratif ol i stilim ol mani. Sapos yumi no ken stretim dispela ol pasin, mobeta yumi no kirapim moa kopratif. (N.G.N.S.)

Bikpela Pait Long Wanpela Lo

Planti man i kirapim nogut tru long dispela Pablik Oda Bil o lo bilong givim moa strong long ol plisman (lukim Wantok No.2). Olsem na gavman i senisim planti hap bilong en.

Pastaim bil hia i laik givim moa pawa long han bilong ol plisman sapos ol i lukim planti man i bung na trabel i laik kamap.

Tasol, kuskus bilong ol lo, Mista Lindsay Curtis, i tok ol politikal pati i no ken ting nau ol i tambu long mekim kibung bilong ol, Nogat. Em i tok, bipo ol lo i no helpim ol plisman bai ol i inap daunim ol man i laik kirapim trabel.

Tasol dispela bil o lo i kirapim bel bilong planti memba bilong Haus

Asembli, bilong planti sosaiti bilong ol wokman, na bilong planti manmeri insait long ol bikskul long Port Moresby.

Kuskus bilong Pangu Pati, Mista Maori Kiki, i no laikim dispela hap bilong lo i tok ol plisman inap long rausim ol man i go bek long ples bilong ol. Em i tok: "Biktaun em i ples bilong olgeta man. Ol man bilong ples ol i no save lukim ol bikpela rot na ka na lektrik long hap bilong ol. Em ol samting i pulim ol i kam long biktaun. Em i samting bilong ol, ol i laik stap hamas taim; em i no samting bilong gavman. Mipela i laik i go i kam long laik bilong mipela yet. Mipela i no laikim olkain tambu tasol."

NUPELA TINGTING BILONG SELEK KOMITI

Selek Komiti i bin ripot long Haus Asembli na i laik senisim sampela samting insait long gavman bilong Niugini.

Dispela komiti i bin lukluk raun long sampela kantri bilong Pasifik na Afrika, bilong lukim gavman bilong ol dispela nupela kantri i ran olsem wanem. Nau ol i ripot long ol dispela samting.

Em sampela tingting bilong dispela komiti:

1.) Bihain long ileksen bilong 1972, ol i no laik gavman yet i makim sampela memba bilong Haus Asembli. Ol i laik Haus yet i mas makim inap 10-pela memba i gat kain kain bikpela save, bai ol i ken sindaun insait long Haus Asembli na helpim tingting bilong ol memba. Ol i laik makim sampela man olsem dokta, loman, bisnisman, na arapela kain man olsem.

2.) Ol i laik ol memba bilong Haus yet i bosim ol 17 dipatmen bilong gavman; ol i no laik gavman yet i makim ol man bilong dispela wok. Inap nau ol ilektet memba i bosim 7-pela dipat-


men; 6-pela i bilong Niugini stret.

3.) Ol i no laikim dispela nem: ministerial memba; ol i laik bai ol i kolim ol 17 man hia ol Minista bilong Haus.

4.) Ol i laik lokal gavman kaunsil i mas kisim moa strong. Ol lokal kaunsil i mas makim wanpela wanpela memba bilong kamapim wanpela distrik kaunsil....olsem bipo Mr. Johnson tu i bin tok. Dispela distrik kaunsil i mas helpim gavman long tilim nabaut dispela \$1,500,000 ol i bin makim bilong helpim wok didiman.

Wanpela samting moa, dispela komiti i laik painim nupela nem, nupela plak, na nupela song bilong yumi stret. Long tokbek ol i kisim pinis inap nau, ol pipel i laik kolim kantri: New Guinea, Paradisea, o Niugini.

Long mun Janueri bai selek komiti i raun nabaut long Niugini gen bilong toktok wantaim ol pipel. Bihain, long mun Februeri bai ol i ripot na autim tingting bilong ol long Haus Asembli.



Dispela piksa em i soim wanpela bot nem bilong H.M.A.S. Aitape bilong Manus Ailan. Long Manus Ailan i gat bikpela ples bilong ol blakskin nevi na i gat sampela moa lain bot olsem H.M.A.S. Aitape.

WANTOK; Trinde Septemba 16 1970 - Pes 4

Church Administration Business

All institutions have printing needs which are most efficiently met by



KRISTEN PRES

Box 676, Madang

Printing Service

Our specialties: Pamphlets, programmes, dockets, books with hard and soft cover

Mail Orders Welcome

Ask for quotations and samples

OLGETA KAIN KAIN

SEL

BILONG SIP, TRAK, PLANTESIN
O HAUS I GO ANTAP LONG HAP KA

MIPELA SAVE WOKIM GUT

Mipela save wokim gut sel long olgeta kain kain laplap. Ol i nambawan kain laplap bilong sanap strong long san i hat na bikpela ren long dispela kantri hia. Laplap hia ol i kolim katen, o kanis, o nailon. Sapos yu laik askim sel i kostim hamas, yu mas raitim pas i kam long mipela stret na toksave long wanem kain sel yu laik, na bikpela bilong em. Na mipela bekim pas i kam bek stret long yu. Ating ol kepten bilong ol smolpela sip i save pinis long mipela. Faktori bilong mipela i save tumas long wokim planti sel moa bilong ol. Yu rait long mipela pastaim!

* MI KEN SALIM I GO INSAIT LONG 24 AUA


* SALIM I GO LONG OLGETA HAP PLES

CANVAS & CORDAGE PTY. LTD

AH CHEE AV., RABAUL.

P.O. BOX 476



PHONE 2008.



Here's an airline that's really going places

We're inaugurating new services all the time. Like our new daily services to Kieta (Bougainville). And now we've made application for the right to fly direct to the American-owned island of Guam. Our fleet of modern aircraft has been increased by the addition of the brand new Twin Otter 300 series. Our staff is continually increasing and so are our world-standard facilities. In every way Airlines of Papua-New Guinea is truly representative of the vigorous growth of the Territory. Together, we're really going places.

Oltaim oltaim mipela i flai long sampela nupela ples...olsem nau olgeta de long Kieta. Liklik taim bai mipela i flai i go long wanpela ailan bilong Amerika i stap longwe moa, ol i kolim Guam. Nau tasol mipela i bungim tupela nupela balus tru, ol i kolim Twin Otter 300, long lain balus bilong mipela. Olde, olde mipela i go het - olsem Niugini tu i go het. Mitupela i go, i go, i go het wantaim.



ANSETT AIRLINES OF PAPUA NEW GUINEA

in conjunction with Ansett Airlines of Australia.

"Kambek Long Wewak"

Ol Wewak i bin mekim wanpela bikpela pesto long de namba 13 bilong mun Septemba. Em i olsem jubili, i olsem 25 yia i go pinis long taim ol Japan i pinisim woa wantaim ol Australia.

Long dispela pestode planti soldia bilong Australia na Amerika na Japan na India i kam bek lukim Wewak.

Long 1945 long Poin bilong Wom nambawan soldia bilong 6th Division A.I.F., General Robertson i kisim bagnet bilong nambawan bilong Japan, General Adachi..... na olsem woa i pinis.

Raun nabaut long Wewak i gat arapela ples tu ol man bilong pait i ken lukim gen. Sapos yu stap long Wewak Kantri Klub yu ken lukluk i go antap long wanpela liklik maunten klostu, ol i

kolim Suambaynan. Hia ol soldia i mekim las pait tru bilong woa.

Tri wik bipo long de namba 15 bilong mun Ogas, 1945, ol Japan na ol Australia i stretim tok pinis long pasis bilong Tokyo. Tasol hia long Niugini ol soldia i no bilipim dispela tok. Olsem ol i pait i go.

Long dispela maunten Suambaynan ol Japan i bin sanapim tupela draipela ston bilong onarim ol 140,000 soldia bilong ol Japan i lus pinis long taim bilong pait. Ol i laik onarim tu ol soldia bilong Australia, Niugini, na Amerika, i lus pinis long Niugini. Wanpela pris bilong ol Japan i bin flai i kam bilong blesim dispela ston, long mun Februeri, 1969.



Long Mande avinun ol man bilong Japan i bin mekim wanpela seremoni antap long maunten long Katolik Misin, bilong onarim olgeta soldia i dai pinis long taim bilong pait. Jeneral Sikigeru Sugiyama i bosim ol dispela lain. Taim dispela pait i pinis Jeneral Sugiyama em i namba tu bilong Jeneral Adachi.

Olgeta tok
i stap long dispela niuspepa
ol i bin paitim pastaim
long wanpela masin bilong rait.
nem bilong em . . .

Olympia

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185.

LAE
P.O. Box 557

RABAUL
P.O. Box 222

MT HAGEN
P.O. Box 237.

WEWAK
P.O. Box 178.

KIETA
P.O. Box 72.

TRAIM SAVE WINIM MANI

1. Yu mas bekim dispela pilai i kam long mipela inap long de namba 10 bilong Oktoba.
 2. Yu mas yusim dispela piksa bilong niuspepa stret.
 3. Mipela i holim ol pas i kam inap long de namba 10 bilong Oktoba. Olsem bai ol manmeri bilong longwe ples inap bekim pas i kam. Long de namba 11 bilong Oktoba mipela bai i opim ol pas, na namba wan pas mipela painim olgeta tokbek bilong en i stret, em i winim ten dola (\$10).
 4. I tambu long olgeta manmeri i wok long Wantok Publications Inc. na Wirui Press long kam insait long dispela resis.

Rit i go daun:

1. kirapim ensin o masin
 2. ol man i wok long sip
 3. wampela kaikai bilong gaden
 4. nem bilong meri
 5. man mipela i sori tru long em....
 6. em i no hatwok, em i..


9. ol i putim kaikai long em
 13. em i no stap insait, em i.....pinis
 16. em i bosim skul
 19. sapos yu laik save, yu.....

21. samting i stap long maus bilong yu taim yu kaikai buai o dringim suga
 23. samting bilong karim olkain samting long en
 24. wampela pis nogut
 25. ples bilong baim ol samting
 26. string ol i wokim long ain
 29. As tasol

Rit i go long raithan:

2. i save ran long wara
 3. wampela tri i gat bikpela lip moa
 7. switpela kaikai bilong gaden
 8. i no pas
 10. i no longpela
 12. nem bilong meri
 14. sapos ples i no hait em i.....
 15. raitim "Hooray" long tok pisin...

16. wampela namba
 18. i stap long ai bilong haus
 20. man i tingting, em i save.....
 22. samting bilong kisim pis
 25. ol kamda i gat dispela samting
 27. ol soldia i stap long en
 28. samting bilong tanim kanu o ka o wilwil
 29. i stap long het bilong yu
 30. laplap bilong karamapim ol samting
 31. ol i wokim ol taia long en.
 32. moran em i wampela..
 33. samting bilong pasim sip
 34. mama bilong yu em i..




MIPELA BILONG NAMASU!




MI WAREO—Mi bin lukautim benj bilong NAMASU long 10-pela yia.
 MI KATE—Mi save paitim masin long NAMASU ofis.
 MI CHIMBU—Mi namba tri yia "Klerikal Aprentis." Mi skul olgeta long bisnis.
 MI AUSTRALIA—Mi save raun long lukautim olgeta stoa bilong NAMASU.
 MI SALAMAUA—Mi Kepten bilong sip. Mi bin wok wantaim NAMASU long 10-pela yia tu.

ATING YU TU I LAIK WOK WANTAM





Ol ami i sanap long lain bilong givim ona i go long ol bikpela man i kamap long dispela seremoni long Cape Wom long Sande namba 13 de bilong Septemba.




Tupela balus ol i kolim Wom klostu Wewak long 15 min: pela de long 25 yia bipo, wo



Ol soldia bilong Australia i kam bek long Cape Wom. Long dispela ples 25 yia bipo ol i lukim woa i pinis long Niugini.




Dispela piksa i soim rot bi wanpela bikpela ston simen bi




Samting olsem 10,000 pipel i bung long Cape Wom Memorial Park bilong mekim wanpela seremoni long tingting long ol soldia i dai long woa. Dispela de i 25 yia stret bihain long woa i pinis.




Jeneral Skigeru Sugiyama bi em i go long planti pipel. Dis taim bilong pait.



i flai antap stret long Cape
.Long dispela taim long dis-



Wanpela soldia bilong Niugini na wanpela soldia bilong Australia
'i sekan, long wanem tupela i bin gutpela pren long taim bilong
pait.



Wom Memorial Park i go long
rim olgeta soldia i dai.



Planti olupela man bilong pait bipo long woa i bung wantaim Yau-
wiga taim ol i stap long pesto.



apan i ritim ol toktok bilong
eneral i stap long Wewak long



Dispela em i dua bilong Cape Wom Memorial Park, ples we ol i
bin wokim wanpela bikpela ston simen bilong tingting long ol man
i bin dai long taim bilong pait.

HELT

Las taim mi rait long olkain kaikai i save mekim bodi bilong yumi i kamap bikpela, i save strongim bun, i save daunim sik long yumi. Ol mama i gat bel na i givim susu long ol pikinini em ol i mas kaikai gut.

Nau mi laik toktok liklik moa long kaikai. Mi laik tokim ol mama ol i mas mekim wanem samting long lukautim gut ol pikinini.

Pasin bilong ol mama bilong Niugini ol i givim susu long ol pikinini. Susu em i nambawan kaikai bilong ol liklik pikinini. Long wanem susu i mekim tripela kain wok bilong ol kaikai. I nogut tru mama i givim ol pikinini susu i stap long botol. Botol susu i ken doti kwiktaim na pikinini i dring long em bai em i gat sik. Wanpela samting moa, botol susu i dia tumas. Yu mas baim tu arakain bros na marasin yet bilong klinim botol susu.

Taim pikinini i stap yet long susu. mama i mas skulim em long kisim ol kain kain kaikai. Dispela skul ol dokta i kolim "Educational Diet" long tok Inglis. Sapos mama i mekim olsem, bai pikinini i kisim kwik strong na bihain em i laikim olkain kaikai. Sapos mama i givim susu tasol long pikinini, bihain em i lusim susu, em i no laikim strongpela kaikai na i go bun nating. Nau em i taim bilong skulim em.

Sapos nupela pikinini i gat wan mun pinis, mama i ken skulim em long kaikai popo ol i brukim pinis. Tasol lukaut, mama i no ken givim susu pastaim na bihain givim popo. Nogat. Bai pikinini i no laik; bel bilong em i tait pinis na em i laik slip tasol. Mama i mas givim popo pastaim na bihain, putim pikinini long susu. Olsem em i ken skul.

Bihain pikinini i go bikpela moa mama i ken, givim banana long em. Mili bilong kokonas i gut tu. Bihain moa, mama i ken givim taro na yam na kiau ol i kukim pinis. Tasol lukaut gen, olgeta de givim arapela kain kaikai long liklik pikinini, bai em i skul long kaikai olkain samting.

Wanpela pasin moa bilong givim kaikai long ol pikinini, em i bilong wokim sup. Sup i gat sayor, pas na yam taro samting. Pikinini i ken dringim sup taim em i liklik tru. Sup i gutpela kaikai, na i helpim long susu bilong mama. Kasang o pinat ol i brukim pi-

nis, em i gutpela kaikai tu.

I olsem; taim namba wan tit bilong pikinini i kamap, em i mas inap long kaikai planti kain samting. Susu bilong mama i no inap long em nau.

Sapos ol mama i tingim gut ol dispela tok long helpim susu bilong ol long kain kain kaikai, bai pikinini bilong ol i kamap gutpela na strongpela, bikos bel bilong ol i skul pinis long olgeta kain kaikai.

The eyes are like a lamp for the body: If your eyes are clear, your whole body will be full of light. (Matthew 6,22)

Spakman Lukaut

Mista Thomas Kavali, memba bilong Jimi, i tok em i no laik ol plisman i kalabusim ol man i spak. Em i tok i mobeta ol plisman i bringim ol i go bek long haus bilong ol, long wanem ol i long-long nabaut na planti i save kisim bagarap.

Tasol wanpela arapela memba, bilong Galf Distrik, Mista Kounsel i tok nogat, em i no stret. Em i strong ol spakman i mas kalabus, long wanem ol yet i save pait wantaim ol plisman, bagarapim olkain samting, na mekim nogut long ol meri.

DISPELA NIUSPEPA WANTOK BAI I KAM LONG YU LONG T.A.A.



TAA i namba wan balus tru.


Olsem na ol misis bilong balus bai lukautim yu gut tru. Ol mama tu ken flai long TAA.

Sapos yu laik flai long balus bilong TAA, yu iken kisim tiket long Ofis bilong TAA long olgeta hap bilong dispela Teritori.

TAA No.1-the friendly one

819 1964/48

Wanem Politikal Pati



Yumi bin tok pinis em i gutpela samting tru sapos yumi olgeta man meri i kamap memba bilong wanpela pati.

Tasol, i gat tupela tripela pati hia long Niugini. Bai yumi memba bilong wanem pati tru? Bai yumi ken save olsem wanem long gutpela pati?

Tru tumas, ol bratasusa, dispela askim i no isi. Yumi mas hatwok tru long painim gutpela strongpela pati bilong helpim kantri bilong yumi. Tasol yumi inap painim. I gat rot. Sapos yumi bihainim gut dispela rot bai yumi ken painim gutpela pati na kamap memba long en na helpim kantri bilong yumi.

Sapos yumi laik save insait tru bilong wanpela pati na ol aidia bilong en yumi mas:

1) save gut long as tok na as tingting bilong pati.

2) skelim gut dispela as tingting i gutpela tru o nogat?

Dispela as tingting ol i save kolim platform.

Taim ol i laik kirapim wanpela pati, ol lida na hetman bilong pati ol i sindaun raitim olgeta aidia bilong ol bilong hatim ol wok bilong mekim go het kantri. Ol dispela aidia ol i prinim long wanpela pepa, ol i kolim platform bilong pati. Prinim pinis, ol i salim i go long olgeta

komiti bilong ol bai ol i ken ritim na autim long olgeta man meri long ples bilong ol.

Sapos as tingting bilong pati i gutpela, pati i ken gutpela. Sapos platform bilong pati i no stret, orait pati tu i no stret.

Sapos ol memba bilong wanpela pati i kamap long yu na i laik grisim yu, yu ken tokim ol stret, "I gutpela; tasol mi laik lukim platform bilong pati bilong yupe-la pastaim. Givim wanpela long mi na bihain mi wantaim ol wantok wanwok bilong mi, mipela ken ritim na skelim na bekim tok long yu."

Sapos yu mekim olsem, yu no ken popaia.

Tasol yupela i mas bungim gutpela samting bilong yupela long heven. Long heven binatang na ros i no save bagarapim samting, na ol stilman i no save brukim banis na stil. (Matyu 6,20).

Nupela Brotkas Kampani

Haus Asembli i bin tok orait long tekewe ol wok redio long han bilong gavman na ABC, na putim long han bilong wanpela kain kampani.

Dispela mosen Mr. Percy Chatterton bilong Port Moresby i bin mekim.

Mista Galloway, wanpela memba bilong gavman, i tok gavman tu i orait long kain samting olsem. Tasol yumi mas wet long-taim; yumi no inap kamapim kwiktaim wanpela nupela brotkas kampani.

Nau i gat tupela kain redio stesin long Niugini: Redio ABC and redio bilong gavman. Sydney yet i bosim Redio ABC na 3-pela stesin bilong en long Port Moresby na 1-pela long Rabaul. Gavman i gat 8-pela stesin!

TOKTOK BILONG GOD LONG ABC RADIO LONG 1970

Long Sande, de namba 6 bilong mun Septemba, mipela bilong ABC RADIO i kirapim nupela lain program bilong ol lotu na ol misin. Em hia ol program bilong olgeta de bilong wanpela wanpela wik:

SANDE:

6.30 long moningtaim

9.12

9.15

5.15 long apinun

6.30

11.15 long nait

11.45

MANDE:

11.25 long moningtaim

TUNDE:

7.30 long nait

MANDE inap long FRAIDE:

8.20 long moningtaim

5.45 long apinun

MANDE inap long SARERE:

11.50 long nait

SARERE tasol:

10.02 long moningtaim

Lotu bilong Australia na Papua Nu Gini

Lukluk long lotu na misin

Encounter

Frontier

Singsing bilong ol lotu

Crossways

Epilogue

Lotu bilong ol skul


Lukluk Nabaut: ol samting bilong misin, lotu. na ol man

Stori bilong Baibel long Inglis

Baibel stori long Pisin

Evening Meditation


Saturday Saints



ABC RADIO 9PA VLT VLK

Namba wan redio tru bilong Papua Nu Gini

SANYO




TEP RIKODA

Smoipela tru. Strongpela moa.
I no kostim planti. Yu inap
yusim long bateri tasol.



NAMBWAN REDIO bilong harim
musik na nius. Yu baim Sanyo
long liklik mani tasol.
Karim Sanyo i go long ples
bai ol i amamas tru, bai yu
gat namba.



PIKAP NA REDIO WANTAIM

Sanyo - samting tru. Sanyo - smat moa.
Tupela spika. Yu laik harim redio?
Orait. Yu laik pilai rekot? Orait.
Sanyo i redi - oltaim.
Maski lektrik. Bateri inap.

Ol samting bilong SANYO
i kamap long
dispela kampani hia:

TERRITORY AGENTS

BRECKWOLDT & CO. (N.G.) PTY. LTD.

PORT MORESBY
P.O. Box 1549, Boroko.

MADANG
P.O. Box 185

LAE
P.O. Box 557

RABAU
P.O. Box 222

MT HAGEN
P.O. Box 237.


WEWAK
P.O. Box 178.

KIETA
P.O. Box 77

WAN DOLA

Sapos yu salim \$1 (wan dola)
i kam long mipela
bai mipela i salim niuspepa WANTOK
i go 7 pela taim long yu.

Em i kam
long balus.



Sapos yu laik kisim
niuspepa WANTOK
yu mas salim dispela
hap niuspepa i kam
bek wantaim \$1 (wan
dola).
Adres bilong mipela
em hia:
WANTOK PUBLICATIONS
INC.,
P.O. BOX 298, WEWAK.

NEM BILONG YU HIA:

ADRES BILONG YU HIA:

JAPAN

In the last few months next to Australians our most frequent visitors have been Japanese. Most of the cars, trucks, radios and cameras in this country are from Japan. Every weeks ships arrive here from Japan.

The Japanese are making plans to mine copper near Port Moresby. At Vanimo they are planning to set up a very big timber project. Therefore it might be well to become a little better acquainted with Japan and the Japanese in a few lines.


Japan is the most progressive country in all Asia. At this very moment it has a big world fair called "Expo 70", which 50,000,000 people from all over the world have visited in the last six months.

Japan is not quite twice as large in area as Niugini, yet for every Niuginian there are fifty Japanese. Imagine: Australia has 74 people per square mile; Niugini has 25, and Japan has 273. And no one is hungry!

The Japanese are some of the best workers in the world. They have had to work: their country is very poor in natural resources. For example, Japan imports 99% of its oil; 96% of its iron ore and 60% of its wheat. About the only big thing which the Japanese do not import is fish.

They have the second largest fishing industry in the world. They catch and sell enough fish to be able to give each man, woman and child in Niugini sixteen tins of fish each day. Japan has over 400,000 small ships to do its fishing. It also makes the biggest ships in the world.

So you can see, the Japanese are very intelligent and skilful. They get all kinds of raw materials from other



This is a typical Japanese living room. It has no table, no chairs, no other furniture.

countries and then make all kinds of special machinery and products out of them. But they all study very hard and long to become so wise. In this little country every child has to go to school; and almost 100% do. There are over 317 colleges and universities in the land.

Yet in many ways the Japanese are very natural people: they like simple houses; they sleep on mats on the floor, they have almost no furniture in their homes, they love beautiful things in Nature like special little flowers and plants, coloured fish, pearls and silk. Their capital city, Tokyo, is considered the largest city in the whole world. All the people of Niugini put together would fill only one fourth of this city.

Japan is also a very generous country: it gives more than a thousand million dollars a year to help other countries. And to think that twenty-five years ago,

NEW POWERS FOR TOLIMAN

The Administrator announced recently the delegation of a number of important powers to the Ministerial Member for Education Mr. Matthias Toliman. This decision gives the Ministerial Member significant responsibility for the administration of the new Territory Education System introduced under the provisions of the Education Ordinance 1970, which was assented to by the Governor-General on 13th July, 1970. As required by the Niugini Act, powers relating to the control of the new education system were vested in the Administrator, However, Mr. Johnson has taken immediate steps to delegate full authority to the Ministerial Member of Education.

Japan was a crushed and wrecked nation! Japan is the miracle of the Pacific.

Coupled with those recently given to all Ministerial Members by the Minister for External Territories, these powers and responsibilities give the Ministerial Member for Education full responsibilities for the new Territory Education System, and for the day to day operations of the Department of Education.

Mr. Toliman said, "I welcome the responsibility even though I know it will be a very heavy burden for me. Prior to becoming a politician I was in the field of education and am happy to continue this close association with teachers and students. My principal interest is in the young people of Papua and New Guinea."

The name of the winner of the Crossword in issue number 3 will be announced in the next issue, October 7th.



Ol meme hia i stap long viles Watabung long Isten Hailans, na dispela yangpela boi i helpim papa bilong em long lukautim ol. Ol meme i wankain olsem kau tasol ol i no bikpela tumas. Ol meme i save kaikai gras. Ol i save lukautim ol meme meri long kisim susu na ol i save kisim gras bilong sampela kain meme man na meri, bilong mekim ol klos samting.

I Tambu Yet Long Pilai Laki

(New Guinea News Service)


Ol memba bilong Hailans insait long Haus Asembli i strong long holim dispela lo i tambuim ol manmeri long pilai kat.

Mista Thomas Kavali, memba bilong Jimi, i bin traim rausim dispela lo insait long Haus Asembli, tasol nogat.

Mista Sinake Giregire, memba bilong Dauulo, i bin kamapim dispela lo long yia 1966, long wan-em planti pipel tumas i save lusim planti mani long pilai kat na sampela tu i kirap pait na kilim arapela man indai.

Tasol ol arapela memba bilong Hailans i no laik.

STRIKE UP THE BAND!



Tomorrow is taking shape today . . . Today man travels in outer space . . . explores the secrets of the Universe. Today man puts science and technology to work in new ways expanding production increasing leisure, assuring a better, more abundant life for all. The wonders of tomorrow take shape today . . . and we in Papua-New Guinea know the impact of amazing changes throughout our daily lives. Ours is a partnership with progress, meeting challenges, sharing responsibilities. We at Burns Philp are striving for greater service and shopping comfort for each and every one of our customers and with this goal, present to you a wonderful new world of shopping . . .

Burns Philp as one of the Founders of Trade and a partner in the development of the Territory are proud of the Giant steps taken in the last 30 years to forge this great country into the emerging nation it has become today.

Burns Philp, Agents for the most sought after products including:—

National radio & appliances
Stormline louveres
British Paints Ltd.
Philips Appliances
James Hardie Products
Alpina Cyma Watches
Caron Marcel Rochas Perfumes
Mikimoto Pearls and Rings
Seppelts Rhum Negrita
John Valves McNaught fittings
Hermes typewriters Byford Sox
Maidenform Max Factor
Ronson Wilkinson Sword.



BURNS PHILP (NEW GUINEA) LTD.
SERVING YOU BETTER



MOA MANI BAI I KAM

Gavman i bin senisim pinis sampela tingting bilong mekim Niugini i go het long 5-pela yia bihain. Ol i bin mekim ol dispela tingting tupela yia bipo. Gavman i autim nau tingting bilong redi long yia bihain. Em i bin tokim Haus Asembli long dispela saming insait long wanpela ripot. Em i toktok long ol wok bilong Teritori i bin kirap long mun Julai bilong yia i go pinis, na i go inap long mun Jun long dispela yia.

Dispela ripot yet i tok i gat sampela bikpela wok o senis i bin kamap long Teritori insait long 2-pela yia i go pinis. I bin i gat sampela nupela trabel o wari tu. Ol i no bin save long ol dispela saming long taim ol i bin tingting long mekim Niugini i go het. Dispela em i wanpela asua olsem nau ol i mas senisim ol dispela tingting.

Namba wan gavman Mista Johnson i bin tok olsem as bilong dispela sam-

ting, em ol i bin senisim ol dispela tingting, em i Bougainville Kopa Kampani tasol i go het long wok bilong painim kopa aninit long graun. Em i bin tok olsem, ol i no bin toktok long mekim ol wok bilong painim kopa aninit long graun bilong helpim Bougainville tasol i go het, tasol bilong mekim teritori i go het.

Mista Johnson i bin tok olsem long dispela nupela tingting ol i ting long givim moa mani long helpim kantri, long wanem nau Teritori bai i kisim moa mani i kam long ol wok bilong painim kopa.

Long wok kopa long Bougainville i gat 8,000 wokman na 4,000 bilong ol i waitskin. Ol i redi yet; kopa tru bai i kamap long yia 1972. Wanpela man bilong mekim kampani i tok ol saming i go het gutpela tru, na ol wokman bilong olkain skin i wok na sindaun gut wantaim.



Dispela piksa i soim wanpela soldia i was long kalabus taim sampela ol Kristen wantaim Pol na Sailas i stap insait. Long strong bilong God ol i aut pinis. Yu ken painim dispela stori long Nupela Testamen, long Aposel 16: 21 inap 35.

(Baibel Nosaiti i orait long mipela i ken prinim dispela piksa.)

MALAGUNA RD
Cables:
RABMETIN RABAU

RABAU T.P.N.G.
Postal Address:
P.O. BOX 62 RABAU



RABAU METAL INDUSTRIES PTY. LTD.

★ SHEET METAL WORKERS & EQUIPMENT FABRICATORS
★ JOBBING SPECIALISTS IN ALL METALS

"ANY QUANTITY — ANY DESIGN"

Manufacturers of:

- Fuel & Water Tanks — Roof Materials
- Sheet Metal Products — Mild Steel Products
- Frame Fabrication in Pipe & Steel
- Stainless Steel Products

Plantation Requisites Including:

- Kiln Pipes, Flue Pipes, Smoke Boxes & Drum Bands
- Fireproof Cements, Fire Bricks & Cast Iron Lead Pipes

For Detailed Information on R.M.I. Manufacturing
Refer to the Above Trade Mark Under
the Following Classifications:

- STEEL FABRICATORS ● TANK MANUFACTURERS
- STAINLESS STEEL PRODUCTS
- DRYERS' SUPPLIES ● WELDERS

TELEPHONE RABAU

2062 - 2063 - 3162

WEWAK CHRISTIAN BOOK SHOP

Christian books - Sunday School supplies
Children's games - Stationery/School supplies
Locally made basketware - Books on New Guinea
THE CENTRE, WEWAK. PHONE 232.



Sapos mipela i salim
i kam long balus:

7 pela taim i kostim	\$1.00
14 pela taim i kostim	\$2.00
21 pela taim i kostim	\$3.00
28 pela taim i kostim	\$4.00

LUKIM GUT! Sapos yu salim \$5 i kam nau tasol
(inap de 30 bilong Septemba) - orait, bai yu
kisim Wantok 48 taim.

Wantok Publications Inc.,

P.O. Box 298, Wewak

ADVERTISING RATES

Casual \$2.00 per single column inch.	
3 insertions over 12 months	\$1.85
6 insertions over 12 months	\$1.70
12 insertions over 12 months	\$1.55
24 insertions over 12 months	\$1.40

Classified Advertising: 65 cents first
2 lines; 30 cents each additional line.

Published 1st and 3rd Wednesday of the month.



Long 'National Day', Mande namba 13 bilong Septemba, planti pipel long ol distrik i bung long mekim bikpela singsing long amamas long "Kambek long Wewak" pesto (lukim pes 8 na pes 9). Planti ol manmeri i kam long ol arapela distrik i bung wantaim ol Sepik long dispela singsing. Dispela 'National Day' i wanela de bilong yia, bilong ol pipel long Niugini i gat malolo long wanem ol i tingim dispela kantri i olsem wanela nesen tru.

CARPENTERS

NAMBA WAN STUA LONG PAPUA NA NEW GUINEA BILONG BAEM GUTPELA KAIKAI NA OLGETA KAIN SAMTING. TAEM YU LAIK GO LONG STUA....YU GO LONG STUA BILONG CARPENTERS

PORT MORESBY MADANG RABAU LAE